

Imenovani članovi Vijeća za infrastrukturu prostornih podataka

06.11.2015 16:41



Vlada Federacije BiH je na sjednici održanoj 5. novembra 2015. godine donijela rješenje o imenovanju članova Vijeća za infrastrukturu prostornih podataka Federacije Bosne i Hercegovine (Vijeće IPP FBiH).

U Vijeće IPP FBiH imenovani su: Željko Obradović (predsjednik), Josip Martić, Elvira Dilberović, Mehmed Cero, Mervana Hadžimurtezić, Zada Gabela, Ajša Softić, Elvedina Hodžić, Marinko Bošnjak, Pavo Boban, Galiba Karačić.

Nadležnosti Vijeća IPP FBiH su da predlaže Vladi subjekte, kriterije i norme za osnivanje i održavanje IPP FBiH, srednjoročni program rada, izvore i način finansiranja IPP FBiH, određuje subjekte odgovorne za određenu temu IPP FBiH, usklađuje aktivnosti subjekata IPP FBiH, vrši kontrolu osnivanja i funkcioniranja IPP FBiH, donosi poslovnik kojim uređuje svoj rad, formira radne grupe IPP FBiH za obavljanje određenih stručnih poslova i izvještava Vladu, subjekte IPP FBiH i javnost o aktivnostima vezanim za osnivanje i funkcioniranje IPP FBiH.

Inače, Vlada Federacije BiH je 2014. godine, na prijedlog Federalne uprave za geodetske i imovinsko-pravne poslove, donijela Uredbu o infrastrukturi prostornih podataka FBiH, kojom se uređuje osnivanje i održavanje infrastrukture prostornih podataka Federacije Bosne i Hercegovine, njen sadržaj, metapodaci, servisi prostornih podataka, osnivanje i održavanje Geoportala IPP FBiH, kao i uspostavljanje i nadležnost organa IPP FBiH.

•



[Uredba o infrastrukturi prostornih podataka FBiH.PDF \(249.7 kB\)](#)

